

Namminersorlutik Oqartussat Kalaallit Nunaani filmilorsinnaanermut akuersissuteqarneq pillugu nalunaarutaat

Filmiliorarneq pillugu Inatsisartut inatsisaat nr. 65, 6. december 2024-meersumi § 30, imm. 2, § 31, imm. 3, aamma § 34, imm. 2, naapertorlugit aalajangersarneqarpoq:

Atuuffia nassuiaatillu

§ 1. Nalunaarut nunani allamiut filmiliorartunut, Kalaallit Nunaani aningaasarsiuutigalugu filmiliorusuttunut atuutsinneqarpoq.

Imm. 2. Aningaasarsiuutigalugu ingerlatsineq, nalunaarummi matumani ima paasineqassaaq, filmiliornermi ingerlatsinermi akissarsiaqartinneqarnermik imaluunniit ajunngitsorsiaqartinneqarnermik ilaqtumik, Atuuffit A-t § 4, imm. 1 nr. 8, litra b naapertorlugu.

§ 2. Najukkami sulisut atorfeqartinneqartut tassaapput, inuit inuussutissarsiortut akuusut Kalaallit Nunaani najugallit.

Imm. 2. Nunanit allanit sulisut atorfeqartinneqartut tassaapput, inuit inuussutissarsiortut akuusut Kalaallit Nunaani najugaqanngitsut.

Kalaallit Nunaani filmilorsinnaanermut akuerineqarnissaq pillugu qinnuteqaat

§ 3. Kalaallit Nunaani aningaasarsiuutigalugu filmilorsinnaanermut akuersissummik (filmilorsinnaanermut akuersissut) qinnuteqaat Kalaallit Nunaanni Filminstitutimut nassiuunneqassaaq, instituttip qinnuteqarnissamut immersuiffissaa atorlugu.

Imm. 2. Kalaallit Nunaanni Filminstitutip qinnuteqaat qarasaasiakkut nassiuunneqarnissaa piumasaaqatigisinnaavaa.

§ 4. Qinnuteqaat paasissutissanik makkuninnga imaqaassaaq:

- 1) Qulequtaq imaluunniit filmiliornermi suliniutaasup qulequtaa.
- 2) Filmiliornermi pilersaarusiortulugu suliniutip suussusaa, immikkoortiterneqassappullu ima: filminik aliikkutassiat, filminut naatsut- piviusulersaarusiat, ussasaarutit kiisalu "filmiliornermi pilersaarusiortulugit suliniutit allat".
- 3) Pilersitsiniarluni qinnuteqartup aqqa, najugaa aamma attaveqarfissatut paasissutissai (oqarasuaatip normua taavalu e-mail).
- 4) Pilersitsiniartup piginnittuunermut tunuliaqutai.
- 5) Pilersitsiniartup kinaassutsimik normua, assersuutigalugu akiitsuutsinut nalunaarsuinermi normu (VATidentification-imut normu) assigisaaluunniit.
- 6) Ingerlatsisup aqqa, qulequtaa attaveqarfissatullu paasissutissai (oqarasuaatip normua taavalu e-mail) pilersitsiniartup qinnuteqartuusup filmiliornermi pilersaarusiortulugu suliniummumut akisussaasup assinganik.
- 7) Filmiliornermi pilersaarusiortulugu suliniuteqarluni Kalaallit Nunaaniinnissami ullut pilersaarutigineqartut, matumani ilanngullugit Kalallit Nunaani sumiiffissat sumilu filmiliorartoqarnissaa naatsorsuutigineqarnermoq.
- 8) Filmiliornermi pilersaarusiortulugit suliniummumut missingersuusaaq, pilersitsiniarnermut suleqatigiit annertussusaat ilisimasallillu peqataasut amerlassusaat suussutsinut makkununga

immikkoortinneqarneri paasissutigineqarnerilu:

a) Najukkami tamatumungalu nunanit allanit sulisut.

b) Sulisut suussusaat: Atuuffit A-t (ingerlatsisoq, ilitersuisoq, assiliisoq, atuakkiortoq) isiginnaartitsisartut, sulisut teknikkilerisut, allaffissornikkut sulisut aamma "allat".

9) Kalaallit Nunaani oqartussanit akuersissutit, qinnuteqaatigineqarsimasut nalunaarutigineqarsimasulluunniit.

10) Filmiliornermut missingersuummik tamakkiisumik imaluunniit ilisimatitsissutitut tunniunneqartut ilaannaannik toqqarneqartunik isertuussinissaq pillugu qinnuiginnissinnaaneq. Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni kapitali 3 naapertorlugu qinnuteqaat tunngavilersorneqassaaq.

Imm. 2. Qinnuteqaammut ilanngunneqassapput oqartussanit akuersissutit, qinnuteqaatigineqarsimasut nalunaarutigineqarsimasulluunniit.

§ 5. Qinnuteqaatip tunniunneranut atatillugu tunisassiorfik ingerlatseqatigiiffik qinnuteqartuusoq qinnuteqarnermut akiliutit 5.000 koruunit akilissavai.

Imm. 2. Imm. 1 malillugu qinnuteqarnermut akiliut tigureqaqqaartinnagu qinnuteqaatit suliarineqarsinnaangillat.

Imm. 3. Qinnuteqaatip akuerineqannginnera, akitsuummik utertitsinissamik pisinnaatitsinngilaq.

§ 6. Kalaallit Nunaanni Filminstitutip qinnuteqarnermut piffissaliussat aalajangersarsinnaavai.

Akuersissutitaarnissamut piumasaaqaatit

§ 7. Qinnuteqaatip akuerineqarnissaanut piumasaaqaatigineqarpoq, pilersitsiniartup

1) paasissutissat pisussaaffigisani nalunaarutigissagai, tak. § 4 aamma,

2) najuinissamut, sulinissamut, angallannissamut ingerlatsinissamullu tunngatillugu oqartussanit akuersissutit pisariaqartinneqartut pigissagai.

Paasissutissanik pingaarnernik nalunaarsuineq

§ 8. Kalaallit Nunaanni Filminstitutip filmiliorsinnaanermut akuersissummut qinnuteqaatinik suliaqarnerminut atatillugu paasissutissat tulliuuttut nalunaarsussavai:

1) Filmip suussusaa, agguataarneqartut ukununnga filminut aliikkutassiat, filmit naatsut, dokumentarit, filmit pilersaarutit aamma "filmiliat suliniutaasut allat".

2) Pilersitsisup nunagisaa.

3) Ingerlatsisup nunagisaa.

4) Filmiliornermut ataatsimut missingersuutit.

5) Ilisimasallit peqataasut ullut sulisimanerisa amerlassusaat immikkoortiternerilu

a) najukkami tamatumungalu nunanit allanit sulisut,

b) sulisut suussusaat: Atuuffit A-t (ingerlatsisoq, ilitersuisoq, assiliisoq, atuakkiortoq)

isiginnaartitsisartut, sulisut teknikkilerisut, allaffissornikkut sulisut, allat.

Tamanut ammasumik saqqummiussineq

§ 9. Kalaallit Nunaanni Filminstitutip nittartakkamini kalaallisut, qallunaatut tuluttullu saqqummiutissavai:

1) Qinnuteqarnissamut piffissaliussaasinnaasut.

2) Paasissutissat filmiliorsinnaanermut akuersissutit nalunaarutigineqartut paasissutissallu pingaarnerit tak. § 8.

Imm. 2. Qinnuteqartoq filmiliornermut missingersuutip tamakkiisuusup imaluunniit ilisimatitsissutitut tunniunneqartut ilaannik toqqarneqartunik isertuussinissaq pillugu qinnuteqarsimappat, ilisimatitsissutit taakku tamanut saqqummiunneqaqqusaangillat, qinnuteqaatip suliarineranut atatillugu isertuussinissaq qinnuteqarneq akuerineqarsimappat.

Pineqaatissiinerit

§ 10. Qinnuteqartoq, qinnuteqaammi paasissutissanik pisussaaffigisamini eqqunngitsunik tunniussisimaguni, tak. § 4, Kalaallit Nunaanni Pinerluttulerineq pillugu inatsimmi malittarisassat malillugit akiligassinneqarneratigut pineqaatissinneqarsinnaavoq.

Atuutilersitsineq

§ 11. Nalunaarut ulloq 1. juli 2026 atuutilissaaq aamma 1. januar 2027-ip kingorna filmiliornernut atuutissaaq.

Namminersorlutik Oqartussat, ulloq 2. juuni 2026

Nivi Olsen

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

/Nuka Kleemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut